

نسخه سی ۱۰ غروشد

صاحبی، مدیری محری :



اسلامك نفعنه خادم مقالات
مع الت شكر قبول ونشراولونور
يازانك شخصيتي دكل، يازينك اهميتي
نظردقته آلتير .
كلن يازيلردن شايان قبول كورولنلر:
تاريخ ميراسيله : دج ايديلير .

محفصل

۱۳۴۸

علمی، ادبی، اجتماعی و شیمی

شهری مجموعہ در

۱۳۴۱ صفره مخصوص نسخه

اداره خانه سی : آق سرايده
ملا كوراني محله سنده مهتر
سوقا غنده ۳ نومرولو خانه

مرکز توزیعی :
باب عالی جاده سنده (اتحاد
تجارت) کتب خانه سی

آبونه بدلی :
سنه لکی ۱۲۰ غروش
آلتی آلتی ۶۰
اوج آلتی ۳۰

جلد : ۳

عدد : ۲۸

مدرجات :

محفصل دینی و علمی : احتجاب و تفسیر شرعی — اسکیللی عاطف اندی . سما — احمد نعیم بک . تورکک ابدی
محفصل ادبی : طفر تاریخلری — سعود بک ، شیخ رمزی افندی ، اجسان محوی بک ، طاهر المولوی .
ابوالفتح البستی نك برقصیده سی و منظوم ترجمه سی — دیاربکرلی سعید پاشا . غزل — محمد صادق
افندی . خولیا کونلری — عبدالباقی عزیز افندی . ایکی رباعی — طاهر المولوی .
محفصل تاریخی : ام عماره — طاهر المولوی . عثمان شمس افندی — حسین و صاف . بر ضیاع عظیم —
سعود المولوی بک . داود پاشا قیشله سی اوکنده اوق آتیشی — طاهر المولوی .

عظیم برضیاع

فسبحان الحی القيوم .. بیک اوچ یوز قرق
برنجی سال هجری ده جهان فضیلت ایچون برحادثه
ایله ایله ابتدا ایتدی، اسلام عالم علم وکالی بررکن
رکیندن دها محروم اولدی . یعنی بقیه السلف
اخیار امتدن علامه بی مدانی ، ابوالسعود ثانی
حافظ قرآن مین ، پیرو اصحاب وتابعین استانبوللی
السید الحاج محمد اسعد افندی حضرت قری رحمت
رحانه انتقال ایلدی .

خواجه اسعد افندی ارتحال ایتدی دیمک
ملکتمزده - تعیر قدیم وجهله - اصول وقانون
اوزره تحصیل وتکمیل علوم ایتیش ؛ سنه لرحه
اوقومش ، سنه لرحه اوقومش ، دیار دیار تعیم
وتعلیم وفضائل ایلش ذوات عالیه ومعدوده دن برینی
دها غائب ایتدیک دیمکدرکه بوخبر الیمک معناسنی
اسلام وعلومک نه دیمک اولدیغنی آرز چوق بیلنلر
آکلارلر . « موت العالم کھوت العالم » حقیقی
ملکتمزک محروسه عرفان اولدیغنی زمانلرده بلااستنا
هان هرکس طرفندن تصدیق اولنورایدی . حیفاکه
بوکون مسئله بشقه شکلده در . « مدرسه تهذیبی »
تعبیریه علوم و علمای اسلامیه بی عقللرنجه تزییفه
یلتنن وادراک وعرفانلری بش اون سطر غزته
اوقویه بیلیمکدن یوقاری حقیقه میان یکی اوقور
یازارلرمن « علامه » کله سنک معناسنی آکلایه مازلرکه
برعلامه نیک ارتحالی علم و فضیلت عالمجه فصل
مؤثر اوله بیله جکینی فرق وتمیز ایدم بیلسونلر .
مع مافیه بزم اوکی آکلمازلر ایله حساب
وعلاقه من اولدیغندن حسب حال عاجزانه مزب الطبع
اصحاب فهم وادراک ایله در .

استاد معظم محمد اسعد افندی مرحوم استانبولده
تولد ایتیش ، ابتدا پدری علماء مشهوره دن حاجی

برآرهلر ضربخانه عامره آرایجی باشیلغنده
بولندقلری کریمه لرینک مزار طاشنده کی کتابة دن
معلوم اولدینی کی صدر اسبق عالی پاشا مرحومه
دیوان هایون قلمنده بولندقلرینی و بر آرهلر
بدستانده خواجکیک ایتدکلرینی بکلکچی دیوان
هایون ابن الامین محمود کال بک افندی بیان بیور .
مشلردر . میرمشارالیه طرفندن عارف حکمت بک
مرحوم حقنده نشر اولنان (کمال الحکمة) نام اثرده
شوسطرلری اوقودم :

« ۱۲۷۷ سنه سی اواخرنده طرف حکمت
بکک لاله لیده چقور چشمه ده مقیم اولدینی خانه ده
برانجمن شعرا تشکیل اولنمش ایدی . انجمن هر
صالی کونی انعقاد ایدردی . شیخ عثمان شمس
افندی ، نامق کال بک ، ضیا پاشا ، کاظم پاشا ، لیب
افندی کی افخم ادبا وسائر ارباب سخن انجمنه
دوام ایدرلردی . بوانجمن ؛ عربک سوق عکاظنه
مشابه ایدی . اعضا ک برهفته ده تنظیم ایلدکلری
نفائس اشعاری حین اجتماعده نامق کال بک
اوقوردی . انجمن برسنه منتظماً دوام ایتیش ایدی . »
عثمان شمس افندینک :

هوای حسنک ایله تاجانه دک کیدرز

حکمت بکک :

حدیقه خط مشکین یاره دک کیدرز

عثمان شمس افندینک :

واری برصرمست عشقک چشم کریانم کی

حکمت بکک :

یوقی برآرامی عشقک چشم کریانم کی

سانجه لری ، اوزمانک محصولی اشعار مشترکه دندر .

مابعدی وار

مسین و صاف

بکر افندی مرحومدن مقدمات علمی کورمش،
بعده بالآخره قائم پدري اولان عالم شهیر آیاشلی
توفیق افندی مرحومدن علوم و فنون متداوله
قانون قدیم اوزره بالتکمیل اجازت آلمشدر .

منتسب اولدینی علوم متنوعیه دائر عربی ،
فارسی ، ترکیه اوله رق غیر مطبوع پک چوق آناری
واردرد . صغر سنده قرآن مینی حفظ ایتمش اولان
مرحوم مشاورالیه علم قرائتده امام زمان ایدی .
بو علم جلیلی ، آربه جیلر صوفیسی دنیلمکله زماننده
مشهور والیوم مدینه منوره ده مدفون کبار نقشیه
خالدیه دن حافظ الحاج احمد افندی مرحومدن
اخذ ایلشدر . الحاله هذه صوفی مرحومک طرز
قرائتی آنجق اسعد افندی مرحومدن درس کورمش
اولان حفاظ کرامدن استماع ایدیلدیلیر .

آربه جیلر صوفیسی حاجی احمد افندی مرحوم ،
نامق الحروف عاجزک والده پدري اولمقله اسعد
افندی مرحوم ایلده پدري رضا صفوت پک مرحوم
بیننده بر صهریت معنویه ومعنای صهریتک فوقنده
بر خصوصیت و محبت موجود ایدی . پدري ، خواجه
مرحومدن اصول اوزره درس او قومش ، اجازت
آلمش ایدی [۱]

فقیرده ایلک بسمله تحصیل ۱۳۰۵ سال هجری سنده
استاد مشارالیهک فم محسنتدن استماع ایتدم . اوکون
حضرتک بکا تعلیم و تفهیم ایتدیکی « رب یسر »
دعاسیله حروف هجانهک طرز قرائتده کی عذوبت
وسلاست - آرادن تام اوتوز بش سنه مرور
ایتدیکی حالده الیوم خاطر نشان تلمیذانه مدر .
اسم و مخلصم ، مشارالیهک یادکاری اولدینی کبی
او علم محمد رضاده مشارالیه طرفندن توسیم اولنمش
ایدی .

[۱] ۱۳۰۴ سنه هجریه سی جادی الآخره سنده

سلطان احمد جامع شریفده انعقاد ایدن اجازت جمعیتی
مجلس مبارکنده راقم الحروف ده بولنشم . اوزمان بش
باشنده ایدم . مجلسک مهابت و لطافتی بالا طرف خاطر منده در .

عبدعاجز بالآخره پدري مرحومدن - واسفا که
پک جزئی - درس کورمش اولدیفمدن اسعد افندی
مرحومی معنای سبب فیضم و بیوک پدري ، ماده کده
بیوک استاد اولمق اوزره بیلدم . بناء علیه ضیاعندن
متولد تأثرات قلبیه پدريک افتراقندن تحصیل ایلده
اون اوچ سنه دن بری شدتی زائل اولمیان
آلام و اوجاع روحیه دن فرقسزدر . مسروداتم
بر طاقم احتیاسات خصوصیه دن منبعث حزن و تأثر
الجابسیله سویلنمش سوزلردن عد ایدیلدیلیر . فقط
مسئله نک برده عمومی جهتی وار که مقدمه ده بیان
ایتدیکم وجهله خواجه مرحومک ارتحالی کالات
بشریه نامنه غیر قابل تلافی برضیاعدر .

مرحوم بر محیط عرفان ، بر دریای بی پایان
ایدی . ثلثان عصره قریب بلا انقطاع تدرس
وتدریس ایلده اشتغال ایتمش ، سلطان احمد جامع
شریفده و تربیه سنده عمومی و خصوصی اوله رق
مکرراً یوزلرجه ارباب تحصیل اجازت نامه لر ویرمش ،
او قوتد قلربی بحق او قومش و همان او قومدینی
هیچ قالمش ، واقف کل بر مجموعه کالات ایدی .
علم تفسیر و حدیثه بین العلما متفرد ، السیهاتده ،
حکمیاتده ، فلسفیاتده ، فلدکیاتده ، ریاضیاتده ،
ادبیاتده متبحر السنه متعدده به کالیه واقف ، افراط
ذکا و قوه حافظه ایلده مشهور و الحاصل شرق و غربک
بتون کالاتی تدریس و تعلیمه مقتدر ؛ لطیفه کو ،
خوشخو ، سلیم ، متصوف ، متشرع ، متورع ،
متواضع ، معتدل ، فصیح اللسان ، بلیغ البیان ،
خلاصه باطن و ظاهری معصور سنو و سنوی بر ذات
محاسن نشور ایدی . قرقنچی سال حیانتدن صکره
مکملأ فرانسیزجه اوکره نمسی محیر العقول در .
بر آرائی اوروپاده اکیال تحصیل ایدره رک عودت
ایلمش اولان اقبای کترانه مدن بر ذات اوروپا ادبا
و علماسنک آثارندن او یله واقفانه بحث ایتشدی که

اليوم رحمت السيهيه التجا ايتمش بولسان او ذات اظهار حيرت ايتمش وخواجه مرحومك بلاختيار مكرراً اللريني اوپمش ايدى .

استادك نكته دانغى ، مجلس آرائنى اعتدال دائره سنده كى طرز لااباليانه سى سويلنمكه ، يازمقله تعريف و تصوير ايديله من . بركون انى تشرافده اوزمانك رجالدن برذاتى زيارتندن بحث ايتمشدى . (... نصل بولورسكز ؟) ديدم .

« دنيا ايله آخرتى جمع ايتشدر . » ديدى . آكلايه مدم ، استيضاح ايتدم : « دون زيارت ايتديكمده كوردكم كا اوطه سنك بر كوشه سنده بر كوچك كلب او بوقلايور ، كنديسى ده سجاده اوزرنده دلائل شريف قرائت ايدى - وردى . » جوانى ويردى . كولو شدك . حضرت استادك مسلك و مشربى ذاته خاص وغير قابل تقليد ايدى . تقريباً اون ايكي سنه اول كوچك مخدوملريله برلكده جانب على حجازه هنيمت و حاج الحرمين اوله رق عودت ايتمشدى . استانبولدن حركتى كيجه سندن عودتى اقسامنه قدر كورمش اولديغى زؤيالرى بردفتر مخصوصه قيد ايتدىكى كنديسندن مسموعم اولمشدر . اناطولى قاضى عسكرلىكى پايه علميسى حائزاجله رجالدن اولديغى و سعادتمخانه سنده متعدد خدامى بولنديغى حالده بعض لوازم بيتيه سنى بالذات اشترا و نقل ايدر ، خانه سنه مقتضى صوبى محله چشمه سندن ايله طولدورر كتير ايدى . سوران اولورسه بو حركاتك كندينه مخصوص برذوق اولديغى سويلردى . رمضان شريف اناسنده صلاة تراوىحى آياصوفيه ده ادا ايتلك يارم عصر دن برى معتادى اولديغى حكايه بيورردى . دقت ايتدم . جامع شريفه عين دقيقه ده كليز . عين محله اداء صلاة ايدر ، عينى قبودن دخول وينه او قبودن خروج ايدردى .

جتمكان سلطان عبدالحميد خان ثانى حضرت تالرينك اواخر سلطنتلرنده بركون حضور درس شريفى اناسنده اساساً مقررلردن بولان و دارالمعلمين عاليه ده معلم اولان حضرت استاد طرف هايوندن مظهر تقدير اوله رق عهده سنه استانبول پايه سى توجيهيله تلطف اولتمش و خاقان مشاراليهك اثر تأسيس هايونلرى اولان دارالفنون علوم عاليه دينيه شعبه سنده علم حديث تدريس مأمور و معارف نظارتنده متشكل انجمن تفتيش و معاينه هيأته اعضا تعيين بيورلمش ايدى . برمدت صكره ده پايه علميسى اناطولى قاضى عسكرلىكنه ترفيع اولندى . دور دلاراي حريرته استاد مشاراليه اعتبار و احترام ايدلمدى ، مأموريتها ، وظيفه تدريس سنه نهايت ويرلدى . انجمن شيخ الاسلام اسبق خيرى اقدى مرحوم طرفدن صورت خصوصيه ده مظهر تعظيم اوله رق اراده صره ده بعض اجتماعات دينيه و مراسم مخصوصه ده دعا ايتديرلك صورتيله تطيب خاطرينه اعتنا اولتور ايدى . حرب همومى هاله سنده كوچك مخدومنى عسكره آلدير . بيجاره اسارتله مدت مديده هندستانده قالدى . پدر محترم بوندن بك متأثر اولدى . سنى حدود ثمانينى بولديغندن افتراق اولاده تحمل ايدمده . خانه سنده ازوا ايدمرك ناس ايله مخالطه دن و كيت كيده مكالمه دن فراغت ايتدى . اوقات معينه ده عباداتنى ايضا ايدر ، برآز طعام تناول ايلر ، سائر زمانلرى بستر نشين اوله رق سكوت و تفكر ايجنده كچردى . اسارتدن عودت ايدن مخدوميله دخی اوزون اوزادى كوروشمى . بك مختصر برايكى سوزله و خفيف تبسملرله اكتفا ايدى . شو حالده ايكي سنه قدر دهها معمر اولدقدن صكره بيك اوچ يوز قرق ذى الحجه سى اواخرنده راحتسزلىكى اشتداد ايتمش و بيك اوچ يوز قرق بر سنه سى

مرحوم مبرورك ارتحالنی بروجه آتی تورخ
ایلم :

کوچدی اسعد اقدی و احفا
روحاه روحه الازی
برجهان کمال ایدی مرحوم
جامع الفضل ، انور و اسنی
مفخریدی کرام اسلافک
چونکه خیر الحلف ایدی حقا
حسن ترتیل نظم قرأنده
فرد ایدی فرد او آیت کبری
علم دینده ، فنون شتاده
ذاتی اولمش ایدی امام هدی
سنی واصل اولوب ثمانینه
ایلمدی عزیم وصلت مولی
اوقو تاریخی تأثرله
ارتحال ایتدی اسعد علما

۱۳۴۱

قوری چشمه ۲۸ اغستوس ۱۳۳۸

محمد سعید المولوی

داوود پاشا قیشله سی اوکنده اوق آتیشی

کچن نسخه دن مابعد

تکیه نک شیخی ارتحال ایدرسه کانکشلرا یچندن
اک اسکی قبضه صاحبی شیخ الرماة اولورمش .
درکاهک شیخدن ماعدا آلتی قوروجیسی ، آلتی
هواجیسی ، بروکیل خرچی ، برآشجیسی ، بردعاجیسی
رمولد خوانی وارمش ،

محرم الحرامنک ایکنجی کونی اقشامی مرغ روح
عزیزی اوتندن بری مشتاقی بولندینی عالم راز
و حقیقته شهر کشای ارتحال اولمشدر .

نعلش پاکی بکته وزده کی صیفیه سندن استمبوطله
ایوبه نقل ایدیلرک حضرت خالد رضی اه عنه الواحد
جامع شریفنده جنازه نمازی شا کرد خاصی حافظ
توفیق اقدینک امامتیه ادا و وصیتی موجبجه
کاشغری درگاه شریفی جوارنده غنوده خاگ غفران
اولان پدری قبرینه دفن اولندی . تشکر اولورکه
جنازه سنده علمای عصرک اکثریله طلبه کرامنک
کافه سی و سائر طلبه علومک قسم کلیسی حاضر
بولندی .

مرحومک ایکی نجل نجل صلیسی اولان
حافظ سعده و حافظ سعود بک اقدی برادرلر
حفظ و قرأنده و علوم شتاده پدر اکرملرینک
شا کرد فضیلتیدرلر . ان شاء تعالی وارث کالاتی ده
اولورلر . اولاد مغنویه سی اولوب الیوم برحیات
بولنان طلبه کرامی تخمین عاجزانه مه کوره برقاج
یوزه بالغدر . طولاه اعمارهم

پدرم رضا صفوت بک مرحوم حکایه ایدر -
دی که حضرت استاد انای تدریسده احیاناً طلبه سندن
برینک کتابنه شویله برنظر سریع عطف ایدر ،
اکثریا ازبر اوله رق درس اوقودر ایمش . حتی
بیک اوچ یوزالتی سه سی ایچنده ایاصوفیه جوارنده
ترشیجی دکانی فوقمه کی خانه ده پدرم ایله دیکر
برقاج ذاته خصوصی اوله رق اوقوتمش اولدینی
اصول فقهدن « مرآت » مجله سنی بو صورتله ، یعنی
ازبر اوله رق تقریر و اکمال ایتدیکنی ینه پدرم
مرحوم کمال حیرتله سویلردی . بودرس قرائتی
عالملرینی نامق الحروف حقیرا و طه قیوسی آرالفندن
تماشا ایتدیکنی بو کون تخطیرله متأزم . « اونه
عالملر ایدی آه نه خوش دملر ایدی »